



Das erste Capitel.

Wie der Ort des Landes  
gelegen seyn sol.

**A** nun einer oder der an-  
der Lust zun Weinbergen oder  
Weinwachs haben möchte vnd  
wolte/der sonderlich von neuen  
erbawen oder keuffen/auch verwüste Gebir-  
ge anbringen wil/der muß vor allen dingen  
mit fleiß mercken / wie der Ort zum Wein-  
gebirge/da er ist oder werdē sol/ für Grund  
vnd Boden hat / auch wie er sich gegen der  
Sonnen wendet oder gelegen sey / vnd mit  
düngen/vermachung vñ Pfälen darzu kom-  
men kan / vnd ob auch andere Gebirge dar-  
bey seynd/wie dieselben Gewächse im Weis-  
ne für Geschmack vnd Art haben/ob sie auch  
wol reiff werden können / alles sich dieser  
Gelegenheit erkundigen / vnd mit allem  
fleiß mit denen die dabey wohnen / vnterre-

den

den